

Задания

для муниципального этапа республиканской олимпиады школьников по удмуртскому языку и литературе. 2024–2025 учебный год. 7 класс

Максимальный балл – 30

Время выполнения – 150 минут

1. Сётэм валэктонысь янгышьёсты шедьтэ но тупатэ (2 балл).

Синтаксис (верантодос) – грамматикалэн сыче люкетэз, кудйз эскере вераськон люкетъёсты но куараосты, куараослэсь но букваослэсь куспазы герзаськемзэс, соослэсь пуштроссэс.

2. Тодэ мадиськонъёсты. Буш интыосы кулэ кыльёс гожтэ, пусье, кыче вераськон люкет соос луо (3 балл).

Шумпотыса лыктэ, _____ кошке.

Толалтэ ваньмызлэсь шуныт, гужем ваньмызлэсь _____.

3. < 22-тй шуркынмон > Россиын < Кылюкамъёслэн > но энциклопедиослэн нуналзы луэ. Кыллэсь пуштроссэ валэктйсь кылюкамлы сётэм кыльёслэсь пуштроссэс валэктэ (5 балл).

Тусь –

Вышкы –

Чалма –

Кенос –

Кут –

4. «Выжыкылысь геройлэн улон интыез» темая «Зечбур!» газетэ текст-описание гожтэ (5 балл).

Ужез быдэстыкуды, тырше:

– тексттылы тупась ним сётыны;

– тексттылэсь темазэ усьтыны но гожтон радлыкэсэ чакланы;

– тексттылэсь шонерлыкэсэ, лексика но синтаксис ласянь узырлыкэсэ чакланы;

– описанилэсь аспөртэмлыкэсэ лыдэ басьтыны;

– текстты 12 предложенилэсь öжыт медаз луы.


5. Сётэм радъёсысь быръе мултэссэ, быръемдэс валэктэ (2 балл).

а) Эпос – драма – верос – лирика.

б) «Сюрес дурын» – «Чагыр инме» – «Вордйськем музьеме» – «Нюлэскы ветлыкум».

в) «Сурсву» – «Байгурезь йылысен» – «Тодьы пыдвыл» – «Душеспи».

г) Горд сюрэ вылын кык дыдыкъёс пуко. – Тылыз öвöл – киез сүтэ. – Ву вылын мамык уя. – Бызись вуэ кык пол уд пыр.



6. Кыче произведениысь та геройёс басьтэмын? Чеберлыко гожтослэсь нимзэ но авторзэ тодэ, произведениысь быдэн кык геройёсты ватсаса гожтэ (3 балл).

Сьод Сандй, Жага, Юска, Ондруша, Беглой.

(И. Гаврилов «Эктытйсь пастух», Г. Данилов «Эктытйсь кутьёс», К. Герд «Гондырьёс», И. Гаврилов «Кезьыт ошмес», С. Ширококов «Чукдор»).

7. Писательёслэсь вордскем интызэс, чеберлыко гожтоссэс но гожтосъёссылэсь жанрзэс тодмалэ но куспазы герзалэ (6 балл).

Кузубай Герд	Татарстанысь Менделеевск ёросысь Вандэмо гурт	«Сюрес усьтйське мынйсьлы»	Кылбур
Кедра Митрей	Удмурт Элькунысь Можга ёросысь Пычас посёлок	«Байгурезь йылысен»	Выжыкыл- поэма
А. Леонтьев	Удмурт Элькунысь Вавож ёросысь Бадзым Докья гурт	«Сурсву»	Верос
М. Петров	Удмурт Элькунысь Эгра черкогурт	«Гондырьёс»	Повесть

8. Л. Нянькиналэсь «Вордйськем шаер» кылбурзэ эскере (4 балл).

Вордйськем шаер

Вордйськем шаер,

Макем тон чебер!

Возьёсыд тынад –

Пужъятэм ковер.

Вордйськем шаер,

Тон лемлет гербер!


Синьёсыд тынад –

Лысвуо сутэр!

Вордйськем шаер,

Тон небыт миндэр!

Нюлэсьёс, шурьёс,



Тушмонлы – кенер!

Вордйськем шаер,

Мон уг поты кер –

Ўыгырто тонэ –

Медаз йётскы чер!

Вордйськем шаер!


Бертасько ке шер,–

Кужымдэ, дундэ

Ой, ой вала бер!

Юрттисъ юанъёс:

1. Кыче мылкыдыз лирической геройлэн?
2. Кычeen возматэмын солэн вордйськем шаерез? Ма пыр сое кылбурчи возматэ?
3. Кыче чеберман амальёсты кутэ кылбурчи, вордйськем шаерлэсь кылсуредзэ возматон понна?
4. Мае возматэ кылбурын чем кутйськись кеськон пусъёс?
5. Мар эшшо та кылбур пумысен вераны луэ на?



Задания

для муниципального этапа республиканской олимпиады школьников по удмуртскому языку и литературе. 2024–2025 учебный год. 8 класс

Максимальный балл – 30

Время выполнения – 150 минут

1. Сётэм валэктонысь янгышъёсты шедьтэ но тупатэ (2 балл).

Предложенилэсь кык но трогес юанлы верась но пöртэм кыльёсты валэктьсь ёзьёссэ огкадь ёзьёс шуо. Предложенилэн огкадь ёзьёсыз куспазы подчинение амалэн герзетьёсын яке герзетьестэк итйско. Соос ог-огзэс валэкто.

2. Годэ мадиськонъёсты. Буш интыосы кулэ кыльёс гожтэ, пусье, кыће вераськон люкет соос луо (3 балл).

Пуке пересь сю шубаен. Кин сое кыле, со _____ кисьтэ.
Вуын пыласькиз, нош _____ кылиз.

3. 22-тй шуркынмон Россиын Кылюкамъёслэн но энциклопедиослэн нуналзы луэ. Синонимъёсын кылюкамлы сётэм кыльёслы синонимъёс гожтэ (тужгес но öжытсэ кык синоним) (5 балл).


Зйбыт –
Жамдэлы –
Жог –
Кырсь –
Кужым –

4. «Синмаськымон вордскем гуртэ» темая «Зечбур!» газетэ текст -описание гожтэ (5 балл).

Ужез быдэстыкуды, тырше:
– тексттылы тупась ним сётыны;
– тексттылэсь темазэ усьтыны но гожтон радлыксэ чакланы;
– тексттылэсь шонерлыксэ, лексика но синтаксис ласянь узырлыксэ чакланы;
– описанилэсь аспöртэмлыксэ лызэ басьтыны;
– текстты 12 предложенилэсь öжыт медаз луы.

5. Сётэм радъёсысь быръе мултэссэ, быръемдэс валэктэ (2 балл).

а) Ода – басня – элегия – сонет.
б) «Тöдды Пыдвыл» – «Кузъыт шеп» – «Бектыш нюлэс буйга» – «Шундыпиос».
в) Зазег пыд вылаз сылэ ке, кезыт луоз. – Укыр эн шулдыръясыкы – бöрдод. – Чибинь пичи ке но, ошез сие. – Августэ шунды шунтэ, нош ву сйя.



г) «Өсэти но но потыкум» – «Ой, төл төла» – «Сюрес дурын» – «Кылёд ук, кылёд ук тон, апие...».

6. Кыче произведениысь та геройёс басьтэмын? Чеберлыко гожтослэсь нимзэ но авторзэ тодэ, произведениысь быдэн кык геройёсты ватсаса гожтэ (3 балл).

Быков Александр Матвеевич, Пичугин Яков Самойлович, Генрих, Тимош, Онись.

(И. Гаврилов «Эктытись пастух», Г. Данилов «Эктытись кутъёс», К. Герд «Гондырьёс», И. Гаврилов «Кезьыт ошмес», С. Ширококов «Чукдор»).

7. Писательёслэсь вордскем интызэс, чеберлыко гожтоссэс но гожтосъёссылэсь жанрзэс тодмалэ, куспазы герзалэ (6 балл).

В. Романов	Удмурт Элькунысь Алнаш черкогурт	«Эктытись пастух»	Повесть
П. Блинов	Удмурт Элькунысь Можга ёросысь Бадзым Сибы гурт	«Катя»	Роман
И. Гаврилов	Татарстанысь Бавлы ёросысь Удмурт Ташлы гурт	«Вало»	Выжыкыл- пьеса
Ф. Кедров	Удмурт Элькунысь Ува ёросысь Пекшур гурт	«Улэм потэ»	Кылбур

8. В. Романовлэсь «Кузь сюрес вылэ басьто мон...» кылбурзэ эскере (4 балл).

Кузь сюрес вылэ басьто мон

Пужъятэм удмурт чүшкон.

Мозмыкум киям кутно но

Чүшконме учко, учко.

Чүшконэ чылкыт но юг-юг –

Чылкак пыр-пыр тодь лымы.

Порпиос ыбылыку, со
Бакчаын гужатэмын.


Нош пужыоссэ учки ке,
Син азым гуртэ пуксёз:
Сяськаясь чагыр етйн но
Вож нюлэс тодэ лыктоз.

Їушконэ, сузэр сямен ик,
Чыртыям но ошиьскоз.
Вордйськем анай сямен ик,
Бамъёсме но маялтоз.

Анайме тодам вайи ке,
Мöзмонэ но кулэсмоз.
Їушконлэн мукет пумыз кем
Вордйськем гуртэ луоз.

Юрттйсь юанъёс: _

1. Кытчы кошкыны дасяське лирической герой?
2. Кыће кулэлыкез (функциез) кылбурысь «пужятэм удмурт їушконлэн»?
3. Кыће инты басьтэ їушкон удмурт калыклэн лулчеберетаз (культураз)?
4. Кыёен сое В. Романов суредат? Кыће чеберлыко амал пыр возматэ сое?
5. Мар эшшо та кылбур пумысен вераны луэ на?



Задания

для муниципального этапа республиканской олимпиады школьников по удмуртскому языку и литературе. 2024–2025 учебный год. 9 класс

Максимальный балл – 30

Время выполнения – 180 минут

1. Сётэм валэктонысь янгышьёсты шедьтэ но тупатэ (2 балл).

Определённо-личной шуо сыче предложениез, кудаз сказуемой меёак тодмо луэ подлежащеезъя. Определённо-личной предложениын сказуемой верамын луэ 1-тй но 3-тй мурто формаысь глаголэн яке условной наклонениысь глаголэн.

2. Тодэ мадиськонъёсты. Буш интыосы кулэ кыльёс гожтэ, пусье, кыёе вераськон люкет соос луо (3 балл).

Ошемын ке но, ветлэмысь _____.

Пичи Кузьма горд _____ кузьма.

3. 22-тй шуркынмон Россиын Кылюкамьёслэн но энциклопедиослэн нуналзы луэ. Диалект кыльёсын кылюкамлы сётэм кыльёслэсь литературной вариантсэс гожтэ (5 балл).

Айбат –

Заман –

Каль –

Мызган –

Сукыр –

4. «Милям нюлэсмы сйзбыл» темая «Зечбур!» газетэ текст-описание гожтэ (5 балл).

Ужез быдэстыкуды, тырше:

– тексттылы тупась ним сётыны;

– тексттылэсь темазэ усьтыны но гожтон радлыкэс чакланы;

– тексттылэсь шонерлыкэс, лексика но синтаксис ласянь узырлыкэс чакланы;

– описанилэсь аспёртэмлыкэс лыдэ басьтыны;

– текстты 12 предложенилэсь ожыт медаз луы.


5. Произведениослэн нимъёсынызы сётэм радъёсысь быръе мултэссэ, быръемдэс валэктэ (2 балл).

а) «Эш-Тэрек» – «Секыт зйбет» – «Сурсву» – «Катя».

б) «Осэти но но потыкум» – «Ой, төл төла» – «Сюрес дурын» – «Кылёд ук, кылёд ук тон, апие...».

в) «Тодьы пыдвыл» – «Кристя» – «Вожмин» – «Чукдор».

г) Ода – басня – элегия – сонет.



6. Кыче произведениысь та геройёс басьтэмын? Чеберлыко гожтослэсь нимзэ но авторзэ тодэ, произведениысь быдэн кык геройёсты ватсаса гожтэ (3 балл).


Егор Егорович Егоров, Палаш, Сидор Петрович, Санчо, Маланья Петровна.

7. Писательёслэсь вордскем интызэс, чеберлыко гожтоссэс но гожтосьёссылэсь жанрзэс тодмалэ, куспазы герзалэ (6 балл).

Е. Самсонов	Удмурт Элькунысь Шаркан ёросысь Вортча Починка гурт	«Бублиос»	Драма
Ашальчи Оки	Удмурт Элькунысь Алнаш ёросысь Варзи-Ятчи черкогурт	«Арама кузя»	Поэма
С. Ширококов	Татарстанысь Бавлы ёросысь Урсы гурт	«Эштэрек»	Кылбур
Н. Байтеряков	Удмурт Элькунысь Грак ёросысь Кузебаево гурт	«Чукдор»	Верос

8. М. Федотовлэсь «Али но уг тодскы кинме...» кылбурзэ эскере (4 балл).

Али но уг тодскы кинме,
 Пыдло кошкемын выжыос.
 Кырныж но уз кокча синме,
 Öвöл ни вирсэр ошмесьёс.
 Мон чем лобасько вал вылын,
 Киям бугырес пукыче,
 Калык выжые тыл пöлын,
 Мынам вöтьёсы но сыче.
 Мон чем кылйсько бöрдонэз
 Кион вузылон кырйёсын.
 Сыче ни мынам висёнэ,
 Сыче ни мынам вöтьёсы.
 Мон чем кожисько Чупчиез,
 Асме мон азмурт кожасько.
 Тулкым шобыртэ капчиен.




Озы но куддыр вӧтасько.
СыӋе со мынам вӧтъёсы,
Ноку но уг сёто дарман*,
Кинъёс бызьыло виръёсын,
Кытысь мон таӋе бесерман?

*Дарман – эрик

Юрттӱсь юанъёс:

1. КыӋе мылкыдыз лирической геройлэн?
2. Маин со мылкыдыз герзаськемын?
3. КыӋе вӧтъёс адӋе лирической герой?
4. Бесерманъёслэн кыӋе сямъёссы пусъемын кылбурын?
5. Мар эшшо та кылбур пумысен вераны луэ на?



Задания

для муниципального этапа республиканской олимпиады школьников по удмуртскому языку и литературе. 2024–2025 учебный год. 10 класс

Максимальный балл – 30

Время выполнения – 180 минут

1. Сётэм валэктонысь янгышъёсты шедьтэ но тупатэ (2 балл).

Сложносочинённой шуо сыче кылтэчетъёсты, кудъёсылэн кыл люкетъёссы ог-огзэс валэкто но подчинительной герзетъёсын герзамын луо.

2. Тодэ мадиськонъёсты. Буш интыосы кулэ кыльёс гожтэ, пусье, кыче вераськон люкет соос луо (3 балл).

Сйнысез лыдъянтэм, нош биньыны воксё _____
_____ пастух сюрс ыжез возьма.

3. 22-тй шуркынмон Россиын Кыллюкамъёслэн но энциклопедиослэн нуналзы луэ. Вилькыльёсын (неологизмъёсын) кыллюкамлы сётэм кыльёсты зуч кылэ берыктэ (5 балл).

Коньдэт –
Удыскыл –
Ужбергатйсь –
Өнерчи –
Мерлык –

4. «Мынам атае уж дораз» темая «Зечбур!» газетэ текст-описание гожтэ (5 балл).

Ужез быдэстыкуды, тырше:
– тексттылы тупась ним сётыны;
– тексттылэсь темазэ усьтыны но гожтон радлыкэс чакланы;
– тексттылэсь шонерлыкэс, лексика но синтаксис ласянь узырлыкэс чакланы;
– описанилэсь аспөртэмлыкэс лыдэ басьтыны;
– текстты 12 предложенилэсь ожыт медаз луы.

5. Произведениослэн нимъёсынызы сётэм радъёсысь быръе мултэссэ, быръемдэс валэктэ (2 балл).

а) «Эш-Тэрек» – «Секыт зйбет» – «Сурсву» – «Катя».
б) «Өсэти но но потыкум» – «Ой, төл төла» – «Сюрес дурын» – «Кылёд ук, кылёд ук тон, апие...».
в) «Тодьы пыдвыл» – «Кристя» – «Вожмин» – «Чукдор».
г) Ода – басня – элегия – сонет.

6. Кин сярысь вераськон мынэ но кыче произведениысь басьтэмын цитата, озьы ик авторзэ но гожтэ (3 балл).

а) «...Соку тйни усыкмыса кыллысь Чипчирганъёс доры, төлпери сямен жог бызьыса, со вуиз. Ньöрын жугись чиновникъёс пöлысь оgezлэн пель дораз, мукетызлэн йырпыдсаз сётъя. Кин вылэ гинэ секыт мыжык вуэ, интыысьтыз султыны уг ни быгаты. Тае адзыса, ньöрын сылйсьёс котырак пазгыськызы. Полиция вуэм бере гинэ, со борды ог дасо мурт ёош кырмыськызы. Егит пи весь возиське на, кудзэ мыжге, кудзэ ёыже, троссэ пыд улаз лёга.

Тае адзыса, куалекъяса сылйсь мастеровойёс но заводэ гожтэмъёс уката зол вырыны кутскизы. Алымов <...> кияз бадзым корт зыр кутыса, шöдтэк шорысь пи вылэ шоналскиз. Корт зыр шонерак солэн йыр вылаз ваське вал, егит пи палэнскиз. Озыы ке но секыт зыр солэн тыбыраз йöтйз ик...»;


б) «...Председатель оскытэк учкиз аяз сылйсь пияш шоры: укыр начар, ноказыы но дас сизыым уд шуы. Нырыз йылсаськемын, кынмеменыз мугорыз дырекъя, пиньёсыз ваче йыгасько. Нош синьёсыз бадзымесь, лыз-лызэсь, шораз учкыса, тулыс инбам гинэ тодэ лыктэ. Юалляськем-марам бере со, туж мылыз потытэк, ачиз сярысь вераз...».

7. Писательёслэсь вордскем интызэс, чеберлыко гожтоссэс но гожтосьёссылэсь жанрзэс тодмалэ, куспазы герзэлэ (6 балл).

И. Яковлев	Удмурт Элькунысь Яр ёросысь Бердыш гурт	«Тöл гурезь»	Кылбур
Р. Валишин	Удмурт Элькунысь Дэри ёросысь Выль Казмас гурт	«Ошмес синмын дунне шоры учке музейем...»	Верос
Ф. Васильев	Татарстанысь Балтаси ёросысь Малые Лызи гурт	«Душеспи»	Поэма
В. Ар-Серги	Башкортостанысь Калтасы ёросысь Вылй Тыхтем гурт	«Вормонтэм батыр»	Роман

8. А. Леонтьевлэсь «Пурысьтамын йырсиосы...» кылбурзэ эскере (4 балл).

Пурысьтамын йырсиосы,
сюлмаам уно яраосы,
Секыт,
курут ыштонъёслэсь лыдзэс ыштй.
Нош улонлэсь чеберлыксэ валан
öз быр...
Бугрес,
курдыт пилемъёс пыр



ялан аджи сайкыт инэз,

жечлы

ой ышты

осконэз.

Юрттисъ юанъёс: _

1. Кылбурысь лирической герой кыче арлыдъем?
2. Кычeen усьтисъке солэн улонэз?
3. Кыче чеберман амал пыр возматэмын секыт улонэз?
4. Кыче инты басьтэ кылбурын бугрес, курдыт пилемъёс но сайкыт ин оппозиция?
5. Мар эшшо та кылбур пумысен вераны луэ на?

ЭКЗАМЕНТЛАР № 3



Задания

для муниципального этапа республиканской олимпиады школьников по удмуртскому языку и литературе. 2024–2025 учебный год. 11 класс

Максимальный балл – 30

Время выполнения – 180 минут

1. Сётэм валэктонысь янгышъёсты шедьтэ но тупатэ (2 балл).

Сложноподчинённое предложение – со сыче огшоры (простой) предложение, кудаз оgez кыл мукетсэ уг валэкты но соин сочинительной герзетьёсын яке герзет кыльёсын герзаське.

2. Тодэ мадиськонъёсты. Буш интыосы кулэ кыльёс гожтэ, пусье, кыче вераськон люкет соос луо (3 балл).

Вешаськод – мусояське, исаськод – _____.

Пуке ныр вылын, курыз _____.

3. 22-тй шуркынмон Россиын Кылюкамъёслэн но энциклопедиослэн нуналзы луэ. Биологиен герзаськем удыскыльёслэсь (терминъёслэсь) пуштроссэ валэктись кылюкамлы сётэм кыльёсты зуч кылэ берыктэ (5 балл).

Маймыл –

Бабасыр –

Чуқырна –

Юрмег –

Кикыньёл –

4. Татарстанын ортчись «Гырон быдтон» праздник сярысь «Зечбур!» газетэ текст-описание гожтэ (5 балл).

Ужез быдэстыкуды, тырше:

– тексттылы тупась ним сётыны;

– тексттылэсь темазэ усътыны но гожтон радлыксэ чакланы;

– тексттылэсь шонерлыксэ, лексика но синтаксис ласянь узырлыксэ чакланы;

– описанилэсь аспөртэмлыксэ лыдэ басьтыны;

– текстты 12 предложенилэсь öжыт медаз луы.

5. Произведениослэн нимъёсынызы сётэм радъёсысь быръе мултэссэ, быръемдэс валэктэ (2 балл).

а) «Кезыт ин. Кезыт куазь. Кезыт тол...» – «Шудмы огъя» – «Кам шур кутске ошмесысен» – «Уг яратскы чышкем писпуосты...».

б) «Чагыр инме» – «Кык гожтэт» – «Эльбай» – «Бусы».

в) «Трипан Вась» – «Оксана» – «Кезыт ошмес» – «Кык сяськаос».

г) Ода – басня – элегия – сонет.

6. Ужъёссыя но улоназы луэм учыръёссыя тодмалэ гождьясьчиосты (3 балл).

а) Шаркан но Сосонка черкогуртъёсын но Ляльшур гуртын дышетись луыса ужаз. Священник но дышетись луыса тыршиз Пичи Пурга ёросысь Бурангуртын. Этнография куинь бадзымесь ужъёс гождтйз. \

б) Быриз Быдзым Атыкай ожмаськонын. Одйг гинэ роман гождтыса вуиз. Со роман туннэ нуналэ но паймымон кужымен бордаз кыске, малпаськытэ.

в) Вордскиз Татарстанын. Карлыганьсь Центральной удмурт школаын но Казань семиариын ужаз. Дышетон книгаос кылдытъяз. Удмурт журналистикалы кутскон сётйз. Стефан Пермский сярысь житиез удмурт кылэ берыктйз.

7. Писательёслэсь вордскем интызэс, чеберлыко гождоссэс но гождосъёссылэсь жанрзэс тодмалэ, куспазы герзалэ (6 балл).

М. Худяков	Татарстанысь Кукмор ёросысь ёросысь Виль Канисар гурт	«Шунды но жужа но...»	Верос
М. Коновалов	Татарстанысь Малмыж кар	«Пыртос»	Роман
Г. Красильников	Удмурт Элькунысь Можга ёросысь Акаршур гурт	«Дорвыжы »	Сонет тугоко
Г. Сабитов	Удмурт Элькунысь Алнаш черкогурт	«Гаян»	Эпос

8. С. Матвеевлэсь «Сйзыл зор дугдылытэк кыдыра...» кылбурзэ эскере (4 балл).

Сйзыл зор дугдылытэк кыдыра.

Кот асфальт шымырскем пыд улын.

Кезыт төл пельтылэ куддыръя,

Їуж куarez бергатэ вылийн.

Нош зор-кот, омырысь кутыса,

Со куarez сачкытэ, сачкытэ.

